

Papia Jut da Mandagit

But piso gen

Gen on papiagwan toŋ uŋjun 2 Pita kon gen toŋ uŋjun yombem pali. Uŋjun Piŋkop dakon miŋat aminyo Gen Bin Tagisi dakon uwalni da gen yoŋ uŋjun do mîrak dîmasi yopni do yosok. Papia da yaŋ yosok, “Piŋkop da miŋat amin kabini nin nandaŋ gadat kalonjî kongin atneŋ do yosok. Ae amin kînda da nin da nandaŋ gadat aman uŋjun kulabik arîpmi dîma asak.” (Gagi 3 kon koki).

Jut da yoyinjet toptopmi do pindak kimotni do yosok. Uŋjun da yaŋ yoŋ, Piŋkop dakon nandaŋ yawotni uŋjun madepsi do yokwi morap galak tokjikon tagi ani yaŋ yoŋ. Uŋjun topsi yoŋ do kaŋ kimotni do yosok. (Gagi 4 kon do koki.)

Ji nandaŋ gadatji do kila aŋek Gen Bin Tagisi dakon uwalni pabiŋ yopni

¹ Nak Jut, nak Yesu Kristo dakon oman monjîni, ae Jems dakon padige.

On papia uŋjun Piŋkop da miŋat aminyo yaŋ damgut ji do mandisat. Piŋkop Dat da but dasi galak taŋ damisak, aŋakwan Yesu Kristo da iyi kîlasi tagisi asak.

² Piŋkop da panjulunganban bupmi aŋpak gat, ae but yawot aŋpak gat, ae amin do but dasi galak taŋ yomyom aŋpak da egip egipjikon madepsi tosak do bisit asat.

Gen Bin Tagisi dakon uwal dakon gen

3 Notnonisi, mibiltok nak Piñkop da nin morap yokwikon banj timit do anek pi madepsi agit uñun do papia mandan̄ dam do galagi madepsi nandat, mani abisok gen kinda mandaken̄ yan̄ nandisat uñun yan̄: ji nandañ gadatji kilani tebaisi anek uwalji dakon gen pabiñ yopni. Piñkop da nandañ gadat kalon̄i on miñat amini nin do nimgut, do amin kinda da yo nin da nandañ gadamañ uñun kulabik arípmi dímasi asak.

4 Nak gen uñun dayisat, nido Piñkop manji imaj amín di pañmuwukbigwan pasílikon da kili abin̄ pígen̄. Uñun amín gen yokwisi yan̄ yon̄, “Piñkop dakon nandañ yawotni madepsi, do yumabi anjapak mibili mibili tagi anen̄.” Uñun amín da Amin Tagi Yesu Kristo Kila Amin Madepnin kalon̄i manji imaj, do kalípsigwan Piñkop gen papia da yagít uñun da arípmón uñuden amín pasídan̄.

5 Ji Amin Tagi da kalip yo agit uñun kili nandawit, mani butji pabo pisanban uñun do sigin nandani do dayisat. Amin Tagi da kalip Israel amín uwal da kisiron banj tímíkban Isip yípmañ kíwit. Anek don nandañ gadat díma awit amín uñun pañtasik agit.

6 Ae anjelo do nandani. Diwarí uñun Piñkop da pi yomgut uñun ak do díma galak tawit, anek kokupni yípmañ dekgwit. Yan̄ awit do Amin Tagi da nap teban tebaisi uñun banj pañteban agit, ae dam teban pilin tuksigwan yopgut da ekwañ. Uñun Piñkop da kobogi do yo yokwisi yomdisak dakon bisap madep do jomjom anek ekwañ.

7 Ae Sodom kokup amín gat ae Gomora kokup amín gat ae kokup uñun da kapmatjok tawit uñun

do nandani. Uñunyo kisi aŋpak yokwisi awit. Wili miŋatyo kisi da yumabi aŋpak mibili mibili awit, do Piŋkop da kindapmon soŋban pasilgwit. Uñun da mama gen niyinék yan nolisak, yokwi pakpak amin morap kindap kimot kimori mini uñungwan kobogi timítdaŋ.

8 Ji dakon nandak nandak paŋupbal ak do pi aŋ amin uñunyo kisi yan gin aŋpak yokwi aŋ. Dipmín mibili mibili pindagek uñun da paŋtagap aban yumabi aŋpak aŋek giptim timni paŋupbal aba iŋanisi aŋ, ae Piŋkop kwen wigik aŋ iminék aŋelo tapmimi ton uñun do yanba yokwi tok aŋ.

9 Maikel uñun aŋelo morap dakon mibiltok amini, mani uñun yan dima agit. Maikel gat Sunduk gat namin da Moses dakon giptim abidosak yan do gen emat agimal bisapmon, Maikel Sunduk do yanba yokwi tok aŋ iminék gen yan imdo si pasalgit. Yan gin yagıt, “Amin Tagi da iyi gen tebaisi gayisak dosi nandisat.”

10 Mani uñun amin yo morap mibili dima nandan pison uñun do yanba yokwi tok aŋ. Uñun bit kílapyo buri mini yombem da giptim dakon galaktok yolgaŋ. Uñun aŋpakni da obisi paŋupbal aŋ.

11 Awa, kaŋ kimotni. Uñun Ken dakon aŋpak aŋ. Uñun Balam da agit uñudeŋ moneŋ timít do tek kindap aŋ. Uñun Kora da agit uñudeŋ Piŋkop kwen wigik aŋ iman, do wagil pasildaŋ.

12 Ji but kalon aŋek jap noknok bisap madepmon yikgaŋ bisapmon uñun amin ji da binap-

1:9: Dan 10.13,21; 12.1; Sek 3.2; 2Pi 2.11; PA 12.7 **1:10:** 2Pi 2.12

1:11: WW 4.7-8; IDT 16.1-35; 2Pi 2.15; 1Jn 3.12 **1:12:** 2Pi 2.13,17

mon yikgañ uñun imal kwakwagikon garak aŋ uñun yombem. Mani uñun ji gat yȋgek jap nok do mayagi dima nandañ. Uñun amín iyí bañgin pañpulugok dogin nandañ. Uñun gȋkwem sikañ dima yopba mañakwa mirim da pȋsonja dukwan dukwan kwañ uñun yombem. Uñun kiñdap bami toktok bisapmon bami dima pokgoñ, ae gelí walimbil pilikbi, do kosit bamot kimakgit.

13 Uñun amín tap madepsi tamalikgañ uñun yombem. Yokwini dakon mayagi tarak ae sȋbit sȋbit da yañ ileñikon noman tonj. Uñun kundukon gȋk kositni bañ dima yolek akwañ uñun yombem. Do Piñkop da kokup pilin tuk dakon pilin tugisi kili aŋnoman aŋ yomgut, uñudon kiñ toktok teban egi wȋgikdañ.

14 Enok uñun Adam dakon babiknikon da altanban kosiri 7 agit. Uñun da uñun amín yokwi do kombi gen yañek yañ yagit, “Koni, Amín Tagi telagi aŋeloni tausen morapmi gat apdisak.

15 Abiñek miñat amín morap gen pikon yopdisak. Añek aŋpak yokwi awit ae gen yokwisi yañ ȋmgwit dakon kobogi yomdisak.”

16 Uñun amín yo morap noman tañ yomañ uñun do nandaba yokwi tok añek gen morapmi yoñ. Uñun iyí dakon butni dakon galaktok yokwi uñun yol do galak tonj. Uñun gen pap yañek giptim pawigik añek iyí dakon man pawikwañ. Añek miñat aminyo uñun pañpulugoni do pañgalak aŋ.

Nandañ gadatji yipba uñun da butji pañteban asak

17 Mani notnonisi, yo don altokdañ uñun do aesi nandani, uñun Amín Taginin Yesu Kristo dakon yabekbini da kili yan teñteñan damgwit.

18 Uñun da yan dayiwit, “Mibi gildaron jigilak gen yogok amín noman tokdañ. Añek Piñkop manji iminjek iyi dakon galaktok yokwi yoldan.”

19 Uñun amín da pañmuwukbi pañwasan. Uñun miktim dakon galaktok bañgin yolgañ. Telagi Wup unjun aminon díma egisak.

20 Mani notnonisi, ji bisapmi bisapmi nandañ gadatji Piñkop da iyi ji do damgut uñun yipba uñun da butji pañteban asak. Ae Telagi Wup da tapmimon bisit ani.

21 Piñkop da ji do but dasi galak tañ damisak, do uñun da kapmatjok egek bisapmi bisapmi Amín Taginin Yesu Kristo do jomjom añaqwa bupmíni nomansi añañlon añaqwan egip egip teban abidoni.

22 Nandañ gadatni díma teban tañbi amín do bupmí nandañ yomni.

23 Ae amín diwari kindapmon ekwañ, do ji tepmisi yokwikon bañ tímítñi. Ae diwari do bupmí añañpak añañ yomni bisapmon, yokwikon gepni yan do kañ kimagek pasol pasol gat kisi ani. Uñun but kalip dakon añañpak yolek garak gin awit. Ji yo morap Piñkop da dabilon garagi tagi uñun da dubagikon egipni.

Nin Piñkop dakon man awiginenj

24 Kili nak Piñkop añañsisat. Tapmimni madepsi, do kilasi añaqwan aripmí díma mokdañ. Uñun da tímik pañki depban iyi gat tilimnikon egek gulusunji mini ae kisik kisik madepsi tañ damdisak.

25 Uñun kalon dagin Piñkop egisak. Añek Yesu Kristo Amin Taginin da pi agit uñun do añek nin yokwikon bañ timikgit. Do mani awigineñ. Uñun Kila Amin Madep egisak, ae tapmim madepni tañ imisak, ae yo morap dakon busuñi egisak. Wasok wasogikon yan egipgut, ae abisok kisi yan gin egisak, ae don bisap morap kisi yan gin egipdisak teban. Uñun asi.

**PINKOP GEN
The New Testament and Psalms in the Yopno Language
of Papua New Guinea
Nupela Testamen na Buk Song long tokples Yopno long
Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

PDF generated using Haiola and XeLaTeX on 28 Dec 2024 from source files dated 31 Aug 2023

b683ce50-d820-5bfc-8471-d8ee080be106